

新刊國朝二百家名賢文粹

新刊 國朝二百家名賢文粹卷第一百九十二

雜文

題跋二

跋三墳傳後

龜山先生

右山墳氣墳形墳謂之三墳世傳以為古三皇書非也其辭簡而質遠而無統其有意於放古之為乎孔子曰神無方易無體又曰生生之謂易則易之為易其義深矣殆不可以形數名也

是書太古河圖洛書姓紀曰博厚而濁謂之太易太易之數三是以形數名易也其言殆與孔子異乎吾是以知其非古書也其不合者非特一二而已未敢以臆說論之姑俟博古而深於道者考正焉

跋中庸集解後

南軒先生

右石塾子重所編集解兩卷某刻于桂林郡縣官于重之編此書嘗從吾友朱憲元晦講訂分章去取皆有條次允晦且嘗為

之序矣桂林學宮舊刻中庸解而其間雜亂以他懼其及誤  
學者於是漫去舊版而更刻此書竊惟中庸一篇聖賢之淵源  
也竊用隱顯成已成物備矣雖然學者欲從事于此必知所從  
入而後可以馴致焉其所從入柰何子思以不睹不聞之訓著  
于篇首又於篇終發明尚絅之義且曰君子之所不可及者其  
惟人之所不見乎而惟極夫篤恭之効其示來世可謂深切著  
明矣學者於此亦知所用其力哉有以用其力則於是反復紬  
繹將日新而無窮不然譬諸枵腹而觀他人之食之美也亦奚  
以益哉

跋東坡帖

南軒先生

坡公結字穩密姿態橫生一字落紙固可藏玩而况平生大節  
如此哉竊嘗觀公議論不合於熙豐固宜至元祐初諸老在朝  
群賢彙征及論役法与已意小異亦未嘗一語苟同可見公之  
心惟義之以初無適莫也方張黃州無一毫挫折意此在定人

已爲難能然年尚壯也至於投老炎荒剛毅凜凜略不少衰此豈可及哉太史家藏公舊帖其間雖有壯老之不同然忠義之氣未嘗不蔚然見於筆墨間也真可畏而仰哉

跋古本蘭亭記帖

觀堂老人

文選不取蘭亭記序或曰病其以天朗氣清爲春物者高懷遠韻遂以一言發之陋矣溫韜破昭陵義獻墨蹟散落人間晚歸天府獨此序淪喪不存是重不幸也紹興二十五年余解南平教官某人出此卷求跋爲感慨書以付之六月二十五日軍傳舍廳事書

跋魏世家

斜川先生

藥不能生死病未劇而得之則無死之道士不能止主崩與瓦解也國未殆而用之則庶亡之理不幸其死而曰命也非藥之所能救聽其亡而曰天也非士之所能支可謂謬矣太史公曰說者以魏不用信陵君故國削弱而至於亡余以謂不然天方

授秦平海內雖得何衡之佐日益則天下無亂國無絕世苟棄  
人事而不脩則天下亦無治國無長久之社稷矣太史公非知  
天也特見秦取六國之易而不考六國之所以亡愚請藉韓論  
之韓小國耳固秦之所易也秦圍邯鄲使告諸侯曰救者已  
拔趙必移兵先擊而信陵若以百騎入晉鄙軍而奪之師解趙  
圍而却秦師秦不敢怒之何也畏公子也及聞公子在趙則日  
夜攻魏魏之休戚固可知也公子歸而蒙鰲走反間行魏遂亡  
則秦之去取又可知矣夫魏豈天亡而秦豈天授者哉且信陵  
君非三公子之比也其用兵似穰苴其好士似重耳救晉鄙而  
軍不敢動歸老反幼而士樂爲之死是豈特劉秦師也哉將以  
魏霸可也昔諸侯合從以攻秦秦人開關延敵而九國之師遁  
逃莫敢進夫以十倍之衆而無成功何哉謀不審而師不一也  
不然秦有城下之盟矣何遁逃之有哉而公子以五諸侯兵敗  
秦河外抑函關而秦不敢出當是時魏公子實專其謀耳故九

國雖衆而敗五諸侯雖寡而勝吾是以知公子似穰苴也且能以富貴下貧賤禮抱閔鼓刀之賢從博徒賣繒者游非有道孰能是乎吾又以知公子似重耳也有穰苴之才重耳之賢豈素之彫哉而言無益於未殆之魏未能支李勝之秦契矣

政東坡李後

豫章先生

東坡居士極不惜書然不可乞有乞書者正色詰責之或欲不與一字元祐中鎖試禮部母來見過披紙不憚精無書過乃已性喜酒然不能四五觴已爛醉不辭謝而就卧鼻鼾如雷少焉蘇醒落筆如風雨雖謔弄以有義味真神仙中人此豈與今世翰墨之士爭衡哉

東坡簡札字形溫潤無一點俗氣今世號能書者數家雖規摹古人自有長處至於天然自工筆圓而韻勝所謂兼四子之有以易之不與也建中靖國元年五月乙巳觀於沙市舟中同觀者劉觀國王璪家弟叔尚公子相

跋東坡敘英皇事帖

同前

東坡此帖甚以虞世南公孫藏銘草余嘗評東坡善書乃其天性往嘗於東坡見手澤一囊中有以柳公權楷遂良者數紙細勝平時所作徐浩躋字又嘗為余臨一卷魯公帖凡二十許紙皆得六七殆非學所能到于澤袋蓋二十餘皆平生作字語意類小人不欲聞者輒付諸郎入袋中死而後可出示人者也

跋東坡書

同前

余嘗論古軍父子以來筆法超逸絕塵惟顏魯公楊少師二人立論者十餘年間者瞻若晚識子瞻獨謂為然士大夫乃云蘇子瞻於黃魯直愛而不知其惡皆此類豈其然乎此來作字時時歸歸魯公筆勢然終不似子瞻暗合孫吳耳

東坡書真行相半便覺去羊欣薄紹之不遠予與東坡俱學顏平原然予手拙終不近也自平原以來惟楊少師蘇翰林可人意爾不無有筆類王家父子者然予不好也

東坡書如華嶽三峯卓立參昂雖造物之鑪錘不自知其妙也  
中年書圓勁而有韻大似徐會稽晚年沈著痛使乃似李北海  
此公蓋天資解書此之詩人是李白之流往時許昌節度使薛  
能詩號雄健時得前人句法然遂睥睨前輩高自賢聖乃云我  
生若在開元日爭遣名爲李翰林此所謂蚍蜉撼大樹可笑不  
自量者也

政砥柱銘後

同前

余觀砥柱之屹中流閱頽波之東注有似乎君子士大夫立於  
世道之風波可以託六尺之孤寄百里之命不以千乘之利奪  
其大節則可以不爲此石羞矣營丘王蕃觀復居舍而好古抱  
質而學文可望以立不易方人不知而不愠者也故書砥柱銘  
遺之

跋韓退之聯句

同前

退之會合聯句孟郊張籍張徹與焉四君子皆佳士意氣相入



雜之成文世之文章之士少聯白嘗病筆力不能相追或成四公子基耳

題任昉論王儉後

同前

任昉稱王儉在物斯厚居身以約玩好絕於耳目布素表於造次室無姬妾門多長者立言必雅未嘗顯其所長持論從容未嘗言其所短弘長風流許與氣類雖單門後進必加善誘助以丹青之價弘以青真之期詮品人倫各盡其用居厚者不矜其多處薄者不怨其少

余宜玩斯文不能釋手作人如此安往而不得其所哉故書以遺靜翁或有補於智者子慮之失

題東坡晁君成詩引後

同前

楚人曰老冉冉其將至兮恐修名之不立吾觀壯人齎恨以蓋棺者可勝道哉人生四十年固自會從事於道德之日久矣訖以不幸君成之志可悲也夫前日曹掾李志雖無恙奄奄常如

九泉下人應頌龍相如沒向千載稟多尚有生氣主有隔存以  
不相知豈獨考其事業蓋意氣相感兩山墜而鍾鳴虎嘯而月  
暈豈有使之然哉

跋周亞夫傳

斜川居士

曾子曰可以託六尺之孤寄百里之命臨大節而不可奪君子  
之學亦志於斯而已矣閱古今而不知成敗見小節而問今天  
道雖學足以通天人智足以周事物吾不知其人也禍福  
不懼死生不易雖自未學吾必謂之學矣天下無學雖腐儒  
小生弄刀筆有餘事志出意外人能究其本心而不失其素志  
者寡矣晁錯號稱智囊本造立國之謀知吳必反者宣矣宜其  
遭烹而不動慨然以身任之乃反以危事委之主而自處其方  
全此其中已亂矣錯猶若此而況其下者乎吾觀周亞夫之將  
也可謂安靜有守而不動者矣梁孝王日夜請救而亞夫空堅  
壁不出軍夜驚相安至帳下而亞夫卒堅卧不起夫不救梁不

過梁亡而誅耳而漢無可裁之道軍夜驚不起不過已首竊發而軍無可乘之隙以死生而易安危亦可謂任重而道遠矣至汝諫臨江之廢拒王信之封所謂嚴炳庶之分守高祖之約可謂真安相矣而太史公獨稱其用兵而不取其守節曰足已而不學守節而不遜卒以窮困焉乎此爲文景諱也景帝不道至於殺無罪元勲之臣太史公不能直書其惡乃議亞夫之短以爲自取者乃可爲流涕大息也亞夫之不學豈其似絳侯厚重少文耶劉氏微其父子幾亡矣何不孝之有哉亞夫之不遜豈其比而折廷爭而爲庸王所不堪耶留拳懼以兵君子猶能与之而守節者安得以不遜罪之哉孔子曰仁者必有勇多蓋仁者之餘事也亞夫獨以兵見稱豈不遺其大而錄其細耶

跋蘭亭帖

豫章先生

王右軍懷飲序草號稱最得意書景宋齊以來似藏在祕府士大夫間未聞稱述豈未經火盜兵火時蓋有墨蹟在蘭亭右者及

蘭氏宇文焚蕩之餘千木存一永師晚出所見妙迹雖有蘭亭  
故為虞褚輩道之所以太宗求之百方期於必得其後公私相  
盜今竟失之書家晚得定武石本蓋歸歸有古人筆意耳褚庭  
誨所臨肥而洛陽張景元劖地得缺石極瘦定武本則肥不剩  
肉瘦不露骨猶可想其風流三石刻皆有佳處不必寶已有而  
非彼也

蘭亭叙草王右軍平生得意書也反復觀之略無一字一筆不  
可人意摹寫或失之肥瘦亦自成妍要各存之以心會其妙處  
爾

蘭亭雖是真行書之宗然不必一筆一畫以為準譬如周公孔  
子不能無小過過而不害其聰明睿聖所以為聖人不善學者  
即聖人之過處而學之故蔽於一曲今世學蘭亭者多此色魚  
之閉門者曰吾將以吾之不可學柳下惠之可以學書矣

跋晉世家後

豫章先生

以富貴有人易以貧賤有人難夫晉文公出走周流天下窮矣  
貧矣賤矣而介子推不去有以有之也反國有万乘而介子推  
去之無以有之也能其難不能其易此文公之所以不王也晉  
文公反國介子推不肯受賞自爲詩曰有龍于飛周遍天下五  
蛇從之爲之丞輔龍反其鄉得其處所四蛇從之得其露雨一  
蛇羞之槁死於中野縣書公門而伏于山文公聞之曰嘻是  
之推也辟舍變服令國中曰有能得介子推者爵上卿由百万  
或遇之山中負金蓋簪登問焉曰請問介子推安在曰夫子推之  
不欲見而欲隱吾獨焉知之遂背而行終身不見人心之不同  
豈不甚哉今世之逐利者蚤朝晏退焦膺乾益日夜思之衡木  
之能得今得之而務疾逃之介子推之離俗遠矣黃庭堅曰晉  
文公能其難不能其易何也因窮則士能其難安樂則士辭其  
易故也介子推豈故得之而務疾逃之必有謂者耶

此本土人家多見之類俗起端我輩自不凡用筆有意逼唐人  
風度不設藻繪天真更高詩曰盛事風流日日新牡丹全柄一  
宮春背人穿路驚天顧却是驕奴見最親

跋顏魯公奉命帖

前谿先生

唐德宗末年李希列謀亂時盧杞為相挾意所不說以魯公東  
使希列與其徒方欲以橫逆加之未發公病卧淮西舍下書于  
壁所謂時于波濤且得斯報又曰知我是行達于時余蓋有仕  
亂感悔之意而卒歸於無可奈何讀此書者雖未有人凌辱如雨  
跋顏魯公書後

陸龍先生

與魯公書如數言日月然日月奚假與耶或者曰吾不愛魯公書  
是宋人之名其母也晉人之字其父也父與母安可名字之哉  
公以制利起家決獄得天下直聲御史兩此東哲効延祚不葬  
母類陳蕃至於察祿山異志密結陣障一城撐然賢於河北二  
十四郡此則古未有也後唐盧杞出使希列親賊如大家蠲城

然知忠義所在得死爲得所歸也灼知刀鋸之奏空也湯鑊之  
漸水也名節如是而不若日月乎自古及今日月本無成與虧  
又何譽焉公善正草書出所共秘其不愛者蓋名其母字其父  
者也武信何敢得公字刺於石僕且驟舉公之名節譽日月則  
不敢字父而名母九不敢也

跋韓退之送窮文

豫章先生

斯文蓋出於楊子雲逐貧二制度始終極相似而逐貧賦文類  
俳至退之亦諧戲而語稍莊文彩過逐貧矣大槩擬前人文章  
如子雲解嘲擬宋玉著客難退之進學解擬子雲解嘲柳子厚  
晉問擬枚乘七發皆文章之美也至於追琢前人不能出其雖  
圓錐班孟堅之賓戲崔伯庭之達旨蔡伯喈之釋誨但可觀焉  
況下者乎

跋杜子美古柏行

姑溪先生

或謂子美作此詩備詩家衆體非獨形容一時君臣相遇之盛

亦所以自況而又以閔其所值之時不如古也第深歎之信然  
作者苟能周旋於其命意造語之際於詩於履踐皆可追配昔  
人不當止謂之詩而易之善自風雅之後正宜有取於此世無  
孔子故單見淺聞有所分別良可歎也政和元年十二月二十  
二日積雪初霽希韓德猶攜茶相期於天寧圓若虛首座之天  
坐軒希韓出此紙見邀作字紙以是應之既終二君又作山藥  
芋頭蘿蔔晚菰甜羹為園筆真一段佳事會見有天寧慶西菴琳  
禪鑒仁姑溪老農

跋楊文公遺蹟後

澗上丈人

李和文公於祖宗朝以親懿貴重高天下其所交遊延禮皆世  
豪英如內相楊大年劉子儀皆以雄文大學信人主而宗海內  
士得望未光耶餘絢者豈特登龍門之重哉公獨與之歡晏教  
密為布衣交往還書疏大牘片簡積之既久遂充棟宇今公之  
裔孫景新尤知收拾珍結而寶藏之以無忘其章景新字晦之



于忠公湧爲文甚敏而於吏道精強毅然有立其年尚少吾知其異日必有以纂先公之業而大其世故於其中亦此卷也書以記之宣和五年五月旦日澗上文入陳恬書於清平之披雲閣

跋唐質肅公詩

新安居士

余少壯時蓋聞質肅公唐子方皇祐中爲御史劾文潞公金然燈毬錦事貶春州別駕李師中送行詩有曰並游英俊後顏何厚已死茲謗骨尚寒天下歌詠聞其風而悅之又聞熙寧間其子林父自諛院論列王荆公行新法事越班叩陛造膝盡言衆監廣州軍資庫謝表有曰方聖慮圖成於元宰而廟謨漸敷於儉人芳杜之業未成盧李之風已熾高風勁節惟質肅公是似余誦其詩讀其表想見忠鯁浪不出乎其時親見其人烏乎二君子所遭之時異而當言責之任則同所言事不同而其所以愛君盡忠冒鼎鑊觸權寵甘謫逐無或異焉然而質肅公春州之貶當路諸公營救其力不數月而起監郴州稅使俸長沙程

倘復用至神霄時雖召參大政議論與時宰背馳直道不得行而邦國有殄瘁之嘆矣諫院公番禺之縣當時同趣諸公相繼去國無與爲力者卒死於流放忠臣義士未嘗不爲之憤懣而良太息也紹興乙卯秋九月朔質肅公之姪孫諫院公之從姪新邵陽太守遵以質肅公諫院公在謫初時臺官章跡諸公送別及到任謝表等文一鉅軸携詣余曰遵叔祖父質肅公祖父諫院公有直聲於皇祐熙寧間卒不獲伸其志旣歿皆以怨仇當軸若時公卿聞人往往畏逼不敢誌銘俾前人業續無以表見雖事書信史而孝子慈孫不無憾焉遵將刻諸石以光昭先祖之令德而傳之于不朽旬余題跋以發幽光余老不敏不能發明万一姑叙其槩于前且伸其辭于後曰昔魯隱公將觀魚于棠臧僖伯諫之曰凡物不足以講大事其材不足以備器用則君不舉焉質肅公論燈毬錦事始似之矣魯桓公納郕大鼎于太廟僖伯之子臧哀伯諫之曰君以者將昭德塞違以昭臨

百官於是乎戒懼而不敢易紀律今滅德立違而實其賂語於  
太廟其若之何諫院公之論列新法事殆亦似之矣或曰臧氏  
父子繼世爲善周內史有言曰臧孫達其有後於魯臧氏之  
門質肅公之後宜其有諫院公而諫院公之後又何其寂寥而  
無聞耶余應之曰逝之壽回之夭夭之報施善人於此有不可  
得而致詰者矣昔辛冢爲畢萬筮其占曰公侯之子孫必復其  
始余於是借以爲唐氏占去新安居士汪某廷雋謹題

政東坡與朱元章書

玉臺三公

元章遊往凌雲之氣子不及見之獨見其子友仁作將作監官  
徽宗山陵親以負負大昇輿而行自此作侍從愧其父遠矣

跋二蘇送宋彭州詩

莘室先生

宋史君以奉親巧便郡出守天彭二蘇先生作詩祖送一特人  
物與夫歌詠之美逮今五六十年矣蓋所謂尚有典刑也世固  
有忘親徇利顛沛於名官之途者死而不知蓋者聞史君之風

誦先生之詩亦可以少媿矣

跋蘇文忠公御叙

方舟先生

臣竊聞之王安石以新說行學者尚同如聖門一貫之說潛也  
先正文忠公蘇軾首闢其說是為元祐學人謂蜀學去時入有  
洛學本程頤胡學本劉摯皆曰元祐學相羽翼以攻新說卒之  
不勝稔成亂階尚同之過也仰惟靖康定正國是投其徒凶裔  
凡悉力以尊崇元祐學者皆得為專門名家軾其倡也東紹興  
至淳熙四十餘年堯父舜子授受聖學一出天縱猶夫子一貫  
之說無彼此異同之尚先日拒王氏說以策勲聖門者皆錄用  
其後子孫蘇氏一家尤被旌眷挺挺遺習典刑相望世有人矣  
曰惔曰符曰籍擢用於上皇之朝持以世學為學者矩範非若  
佗人徒然先闕之矜也今侍御公嶠以直道受知以懿文進用  
其施設語言自世學中出兩宮隆眷震耀九牧不時其鄉之人  
也應者追錫文忠公美謚以御叙貫其集眷眷於蘇氏至矣其

子孫所以報答朝廷重意以修耀歌世又且如何且假守其鄉  
詩書耕稼衣冠不替以道德性命之歸為忠信孝弟之實文不  
浮質不塞知法而易親曉禮而易誘共知師用蘇氏者以聖學  
之勸也故於郡圃作堂以元祐學榜之奉緼叙與待御公嶠之  
跋刻龕之堂上與蜀士大夫共之守臣職分也其位李石謹記

跋元祐黨籍

方舟先生

右主上所賜蘇文忠公謚詞云爾石伏而讀之涕泣以嗟曰有  
君如此獨無一語以贊其決罪也且君子小人否泰之運天之  
制也人何預焉方其泰也曰天也特裁成輔相之而已其否也  
亦曰天也君子特避其難而已君子不惟不與小人爭進於閑  
塞之塗而能容小人於通達之世小人則反是也國家自元祐  
以來君子窮阨於天之運極矣前日之昏昏今日之昭昭也文  
獻故家子孫洗濯拔拭於清明公朝可少紓矣石適排擯發干  
何敢有言第能守所學以救民作州於此見蘇氏父子兄弟無

摠詞既取御叙以刻之堂因以元祐三百九人之籍列其陰以誌誤國之惡如蔡京者戶何足誅按籍蘇氏一門三四人如黃庭堅秦觀張耒晁補之人猶謂蘇門四君子云其位曰李石謹跋

跋陳述古文集

定菴先生

某爲兒童時聞述古客學陳公先生公名四十年始過其長嗣中散來倅臨海得公遺文而觀焉方熙寧間新法初行用事大臣以權利寵取天下士而一時沽榮希進之徒爭相傾附公獨忠憤激發以身許國與君實獻可請公出力排之公於青苗跡論尤許知此法一行騷動天下胎禍之端自此始使當時從其言豈復有今日事哉雖然宣和靖康以來變故極矣民力匱竭邦財耗散夷狄侵陵國勢危迫紀綱紊亂禮義兼耻消云望祖宗盛時貌不可見推原其本必有所自議者猶不以爲然況在當日言之宜乎不見信也公於他文章皆渾全博雅不爲纖巧

浮僞片言隻字無非至誠擇善先義後利出入乎予思孟軻之  
說真所謂古之君子也嗚呼富貴易圖名節雖保以公之道德  
才猷專過人主而其爵位終不至輔相然高名偉節則昭然獨  
著歷万世不可掩亦安取夫富貴哉建炎二年九月十日

新刊國朝二百家名賢文粹卷第二百九十二

新刊國朝二百家名賢文粹卷第一百九十三

雜文

題跋三

跋李氏所藏神考聖畫

了公刊

治平三年天章閣待制李公受以東宮舊僚進謁頴邸神考書  
名還謁親出宸翰授兄孫宣德知蘄州台浦縣事曰襄實此  
字四十年矣恭惟神宗皇帝堯大舜明有始有卒治平視膳  
晦德潛藩熙寧初尊師畏相元豐改為歸柄獨運躋元用極各  
惟其時功就美全本末明備明不可掩美不可奪威靈在天安  
可誣也巨壠緣論日錄流寬合浦邂逅襲子自服休等得瞻聖  
畫蠅蟻餘命恩太莫報臨紙感憤涕泣而書此以致享上敢恭  
之意焉崇寧三年四月十七日巨陳璣敬題

跋富文二公帖

龜山先生

二公皆一時人傑昔在慶曆中憲騎叩閤渝平鄭公持節兵間



以片言折之而虜之君自俯伏聽命復守盟好更百有餘年雲  
燕以南無大吠之磬二公繼登華輔雍容廟堂之上而四方方  
里之遠猶賴面內無敵不享者有德進則朝廷尊豈不信矣夫  
方時艱難覽其遺跡想見其風彩益令人追念不能忘也

跋司馬溫公帖

龜山先生

元豐末神考登遐文正溫公奔計至京師都人擁馬首環聚而  
觀者填溢衢巷願公之留者方口一辭方朝廷承積弊之後正  
更化願治之時太母以公宿望擢貳左省慰安中外之心其寄  
委不輕矣公以身任其責一夫不獲時予之辜蓋公之素志也  
天下大器不可易為之故雖正位台鼎亦不以為榮而以為懼然  
卒能於葦月之間政令不出房闥而海內不變雖懼於前而靈  
名于後其為榮也遠矣今觀其手澤猶想見風彩披玩之不  
能釋手因附其說于後

跋溫公黼坐銘橐

南軒先生

壅蔽者天下之大患也古之明王所以致治者亦去此而已矣其道莫先於虛已莫要於任賢虛已則壅蔽消於內任賢則壅蔽徹於外內外無蔽而下情畢通泰治所繇興也先正溫國公友復開陳於治亂之際可謂深切讀其遺藁使人流涕嗟乎公愛君之心万世不可泯也

跋荆公書陶隱居墓中文 豫章先生

熙寧中金陵丹陽之間有盜發冢得隱起輒於冢中識者買得之讀其書蓋山中宰相陶隱居墓也其文尤高妙王荆公常誦之因書於金陵天慶觀齋房壁間黃冠遂以入石字常欲摹刻於棘道有李祚者聞之欣然龍石來請斯文既高妙而王荆公書法奇古似晉宋間人筆墨此固多聞廣見者之所欲得也李君字聖棋棘道人喜炎黃收雷之書嗜好酸醎與世殊絕常從軍得守國子四門助教歸而杜門家有山水奇觀教諸子讀書而宴居自從其所好不喜俗人一再見輒罵絕之此孟子所謂

有所不為者也

跋蘇黃衆賢帖

姑溪先生

東坡帖乃其子邁所作亦自可喜大抵蘇氏諸子源同派異種種皆有過人處魯直成就諸甥之意可謂盡矣故率自知類不相遠蓋一本於舅氏也少特自以書名行筆有秀氣無外驥驥欲度驕驕要亦不九脊達特立不羣遂能名家雖未可入神蓋可入妙然未嘗以書經意者未易窺藩籬也

跋東坡帖

姑溪先生

東坡從少至老所作字聚而觀之幾不出於一人之手其於文章在場屋間與海外歸時略無增損豈書或學而然文章非學而然邪

跋山谷帖

姑溪先生

紹聖中詔元祐史官甚急皆拘之幾縣以報所問何悚息失據獨魯直隨問為報弗隱弗懼一時慄然知其非懦生文士而已

也既而得罪遷黔南徙戎州凡五六年而後歸吳轉嘉眉謁  
明允墓上戟眉山禮賢大夫下巫峽訪神女祠寓荆渚久之  
召爲吏部郎辭不拜就假太平守踰年方到官纔七日而罷所  
至選道迎觀如李泰和其去也見思如文翁自是屹屹宇宙間  
幾與三蘇分路揚鑣矣烏乎充之至此可無憾於踐形者然書  
法亦足聳動後世固以人爲重要亦自能名家也草第一行次  
之正又次之篆又次之

跋山谷家書

斜川居士

山谷道人能枯槁萬緣狀糠粃故遷謫窮荒至死而氣不屈  
死生而遺得喪余未見其亞也此一軸寄其家書無戚戚語父  
子之間不用其情而烏乎用其情古人觀之必在於此然余疑  
其磊落之人不應諄諄然及此蟲魚細故豈非一念未除者骨  
肉子孫之愛乎相濡以沫相殛以濕抑死生之相哀乎范侯信  
中是時以布衣徒步萬里謁公於涪州相與對榻于譙門上者

斗年襄其後事而歸信中初未爲人知自是學日益今有聞於  
時盡嘗親見寫此書後二十年信中得之異哉宣和辛丑閏五  
月二十三日眉山蘇過題

跋山谷帖

于湖先生

字聖去唐取勝雖經生上可觀其傳者以人不以書也褚薛歐  
虞皆太宗之名臣魯公之忠義公權之筆諫雖不能書若人如  
何哉豫章先生孝友文章師表一世效唾之珠聞者興起其書  
又入神品宜其傳實百世恭惟徽宗皇帝評公之書謂如抱道  
足學之士坐高車駟馬之上橫斜高下無不如意聖人云之經  
也晚學小子尚安所去乾道丙戌八月既望書于公之姪觀所  
藏卷後

跋君謨有美堂記後

龍溪先生

世之論法書古文者必曰王內史韓文公二子之學固美矣然  
必襲至此豈一人之力一日之積哉特法出乎二子尔本朝文

章字畫之美在祖宗時歐蔡擅其宗以淵源考之逸少退之固可一日南面至於潤澤前人之法加以嫵媚則今二子為過之然逸少去退之數百年而二公並駕於嘉祐治平間粹翰兼美為一時太平之瑞以今驗古豈但不愧之而已哉此書及今尚為完好也日時事追求彷彿於刻鏤之余然後知為可貴也

跋曾魯公帖後

蘭陵孫公

魯國宣靖曾公嘉祐治平中偕魏國忠獻韓公為左右丞相奉詔立皇子裨顧命立英宗神宗為皇帝珥載三朝貴極公師功蓋天下與日月爭光矣其政和間始識公畫像於景靈東西兩宮又觀國史讀公傳今又獲親公筆迹於簡牘中正衣拱主瞻望悉如詩書所載伊尹周公者韓文公有云富貴無能磨滅誰紀凡侯王將相蓋棺之後與草木俱腐者多矣惟宣靖公薨謝於今九十二年士大夫聞其名讀其書如太山喬嶽仰視竦然曾穆叔所謂大上有立德其次有立功雖久不廢此

謂不朽者也

跋天章待制劉公隨墓誌碑

洪忠宣公

昔子產相鄭有君子之道四厥愛存於民仲尼曰古之遺愛我  
向傳晉數叔魚之惡三其直聞於國仲尼曰古之遺直待制劉  
公其補外也興利除害盡若蠶其猶知去思非愛而何其入朝  
也獻可去否尊如太后猶受讜言非直而何其直其愛有古人  
之遺風亦可謂難得矣其告終也實錄載之其妻事也誌銘龍  
之斯可謂不朽矣然歷年踰百遺風將泯張亂未平後嗣不繼  
非宇文公重為潤色何以取信於當今且將傳疑於厥後裔孫  
宣子迺能為大手不以頭揚其先祖是可嘉也雖淪落遐方假  
折肱以鋤口摺紳見之當為改觀

跋通書後

南軒先生

濂溪周先生通書夫人公壽元晦以太極圖列子篇首而題之

曰太極通書其刻于嚴陵李宮以示多士嗟乎自聖李不明語  
道者不覩夫大全卑則割裂而无統高則汙漫而不精是以性  
命之說不參乎事物之際而經世之務僅出乎私意小智之爲  
豈不可歎哉惟先生生乎千有餘載之後超然獨得夫大易之  
傳所謂太極圖乃其綱領也推明動靜之一原以見生化之不  
窮天命流行之跡无乎不在文理密察本求該貫非闡微極幽  
莫能識其指歸也然而孝者若之何而可以進於是哉亦曰敬  
而已矣誠能起居食息主一而不舍則其德性之知必有卓然  
不可掩於牀察之際者而後先生之蘊可得而窮太極可得而  
識矣乾道庚寅閏月謹題

跋二程遺書

南軒先生

二先生遺書近歲旣刊于建寧又刊于曲江于嚴陵今又刊于  
長沙長沙最後刊故是正爲尤密始先生緒言傳于世孝者每  
恨不克貽其備私相傳寫人自爲本及是書又出東輯之精亦



庶幾不矣此誠幸者至幸然而傳之之廣得之之易則又懼夫有玩習之患或以備聞見或以資譚論或以助文辭或以立標榜則亦反趨於薄矣先生所以望於後人之意為逾甚矣幸者得是書彙當以篤信為本謂聖賢之道由是可以參而至於味而求之存而粹之逐家致篤斯須勿舍以終其身而後已則是則先生所望於後人之意也敢敬書之附于卷之末

跋劉巨濟十史事類

木鴈先生

博載公聞李者之常而纂言記事必由捷徑況史籍浩瀚豈傳能幾一二讀之脣口腐語不勝其煩非所謂知卓約也劉巨濟先生臨官餘暇述十史事類不直編次標號而識論評訂有古良史風旨比方自民六帖高氏小史則見其繁縟破碎愈甚幸者盡聞見所守必斯文也將廣其傳必缺好古博雅人木鴈公鄭某跋

跋後山集

蘭陵孫公

秦會之薨跋後山居士集云曾南豐辭陳元巳邢和叔為英宗  
皇帝實錄檢討初呈奏元巳便蒙許可至邢乃遭橫筆又微聲  
稱亂道余按曾子開著書兄行述而南豐薨為英宗實錄檢討  
官不踰月而罷通判越州今類彙中有鑑湖序則熙寧二年也  
其後守齊襄洪福明毫六州九十三年還朝為中書舍人纔數  
月丁母憂薨未除而卒是元豐四年也按謝克家叙後山居士  
集元祐蘇東坡率諸侍從薦元巳由布衣特起為徐州教授則  
元巳之仕在南豐之歿已七八年矣南豐為檢討官不踰月喪  
能辟二公自熙寧至元祐二十餘年陳元巳始入南豐墓未拱  
矣會見之抵牾若此故事實錄有修撰檢討官國史有編脩官  
以首相監惣一代大典冊朝廷除授極天下文章之選非辟闕  
也試官考卷與鄉先生課試諸小生之文則有橫筆邢和叔造  
宣仁太后之謗排王珪附蔡確至今人聞其名往往縮頸而南  
豐雖作者敢加橫筆於邢和叔之文乎會之為宰相乃不知史

官非辟闕既知尊猶南豐元已而不知二公之先後又玄病起  
聞雞唱寢不寐盡月增壯余曰幸付增壯若以示識者則橫筆  
作微聲知公所云矣

跋西銘

南軒先生

人之有是身也則易以私私則失其正理矣西銘之作唯夫私  
勝之流也故推明其理之一以示人理則一而其分森然自不  
可易惟識天理乃見其分之殊明其分殊則所謂理之一者斯  
周流而无蔽矣此仁義之道所以常相頤也李者存此意遂求  
於繁求仁之要也辛卯孟秋寓姑蘇以晉李生潘友端

跋希顏錄

南軒先生

其己卯之歲嘗與集顏子言行爲希顏錄上下篇今十有四正  
矣回觀舊編去取倫次多所未善而往往爲朋友所傳寫於是  
復加考究定爲書卷又附錄一卷蓋顏子之事獨載於論語易  
中庸孟子之書其間顏子之所自三與夫見於問答者初鮮矣

持聖人之所稱及曾子孟子之所推述者其詳蓋可以究知也  
自孟子之後儒者亦知所尊仰矣而識其然者則或真焉遠夫  
本朝濂溪周先生橫渠張先生出始能明其心而二程先生則  
又盡發其大全於是孔子之所以授於顏子顏子之所以學乎  
孔子與學者之所當從事乎顏子者深切著明而無隱乎來出  
者矣故今所錄本諸論語易中庸孟子所載而參之以二程先  
生之論以及於濂溪橫渠與夫二先生門人高弟之說列爲一  
卷又采家語所載顏子之言有近是者與夫楊子雲法言之可  
取者并史之所紀者存之於後蓋亦曰學者之所當知而已旣  
已繕寫則撫而歎曰嗟乎顏子之所至亞於聖人孔門高弟莫  
得而班焉及考魯論師友之所稱有曰不遷怒不貳過而已有  
曰以能問於不能以多問於寡有若無實若虛犯而不校而已  
自學者觀之疑若近而易識然而顏子之所以爲善學聖人者  
實在乎此則聖門之學其大畧亦可見矣惟實用其力而後知

其難知其難而後有可進之地也然則後之學者貪高慕遠不  
循其本者終何所得乎故子願與同志之士以顏子為準的致  
知力行趨實務本不忽於卑近不遺於細微持以縝密而養以  
悠久庶乎有以自進於聖人門墻是錄之所為作也乾道九年  
八月九日謹書

跋万竹亭唱和詩後

楊祐夫

郛城地宜竹而附城東北尤宜縣治直北故圃所特美異於他  
產骨節之大可容斗許老村所稱郛筒乃其自出縣故有万竹  
亭踞竹領會父老有及見者云万盈數也命名者姑云尔其實  
過之然世能為此君地者少歲既久頗衰耗亭亦荒陟不治大  
觀戊子嘉陽陳侯逢原始事事獨憐之畫此除道與竹為德標  
竹所及禁無躡藉歲二月雷振蟄聲厲益謹所以故番息凡再  
上番所增倍稱故竹軒軒如更生新竹攬立各就次君乃中關  
徑前設亭焉廣狹之制如舊則止即故名榜之舉酒固曰君佳

植出一不為少方不為多昔人以方名遺後吾敢忘其名且吾  
愛若如愛眼目今幸壯長數垂蒲矣過是吾方私語夫貪者於  
物固吾不為矯激近名又義不出世有如創言與若共散遂授  
筆賦三小詩自發其意屬工詩者廣之俾予伸言於後君豈弟  
人也前作新堤有成績部刺史以狀上乞留方待報故君之詩  
深以自勵重以勵人庶相與同踐斯盟無起孤竹之誓為此君  
羞云

跋徽宗皇帝御書聖詩

新安居士

紹興六年冬十有一月甲申五正議大夫提舉臨安府洞  
霄宮臣汪某謁右朝奉大夫前權發遣漳州軍州事且字  
文師受有書一卷且曰得之於行朝帶書者出以相示白  
王軸黃羅表焉飾以泥金游龍標題曰徽宗皇帝御書草  
聖詩什且某視之太上道君皇帝之宸翰也雖疎懶忽若

無所見徐疏精神披卷恭覽熙陵親札古詩凡五十有二  
章章或五言或七言幾千字乾文義畫卓然雅動若龍翔  
鳳翥詩之大槩如曰似彼造化力由茲方寸中有以見其  
以太宗師出而應帝王業也如曰巷有千家月人無万里  
心有以見當時戢戈偃武之意也千變万態其指歸處如  
風雅頌焉雖曰古什而其溫柔之教實出於當時文治天  
下之心形之於畫而託之於古什也如此太宗以是傳惠  
無疆太上皇帝藉若緝熙如丹雘是塗以光昭前列而  
永保之嗟乎運遭陽九山河大地玉石俱焚皇帝室之  
書散逸人間或混瓦礫或汙腥羶淵聖皇帝於是失其  
傳而斯文不知其幾流散轉落於鬻書者之手天其意者  
未喪斯文稍轉而歸諸公卿大夫之家師環庭迄有之以  
須搜訪嗚呼天道有常不能無消息盈虛之變豈漢之在  
天也合散消息有不可測至其爲章則從橫繁然在人耳

目者無得而改風雨昏晦終無得而掩焉上古帝王  
之書如堯舜之典臯陶大禹之謨夏商周之訓誥誓  
命雖經暴秦煨燼之餘而萬世之下昭昭若揭日月  
而行然則此書終何漫沒云共惟 今皇帝撥亂興  
衰雖治以馬上而文物聲明率時先祖以照臨百官  
繼猶判渙莫不收歛斯文也豈久於人間哉不然則  
太極高真騎驎睨勅六丁而下取之當與八龍雲  
篆光明之章三元八會羣方飛天之書策回騰載雲  
旗而上超無為以登至清之庭與天地相為經始也  
師夢終恐不得而有目其謹題

跋裴氏詩

淮海先生

裴秦素之別姓自漢以來世有顯者在唐尤為望族五房之裴  
為宰相者十有七以裴氏冠於斯為盛而東眷房實公度齊唐



第一等久君晉公之裔孫也少篤學鋒氣銳甚頗有志於天下之事已而學進士屢不中乃歎曰人生如寄耳焉用區區者爲哉於是退居許之陽翟葛中藜杖日閱佛書惟以專精神養壽命爲事元祐三年冬君之弟朝散君通判蔡州君自陽翟監興過之踰月而去將行謂朝散君曰絕意世間事久矣比聞篋中故人書札見麻温故郎中昔所贈詩撫然感心不能自克聞秦少游方爲此郡學官願因弟一言庶幾異時有知我者余聞而歎之昔馬援南征謂官屬曰吾從弟少游常哀吾慷慨多大志曰士生一世但取衣食裁足乘下澤車御款段馬爲郡掾吏守墳墓鄉里稱善人斯可矣致求盈餘但自苦耳當吾在浪泊西里間虜未滅之時下潦上霧毒氣薰蒸仰視飛鳥跼跼墮水中卧念少游平生時語何可得也朝散君起家四十爲郎聲聞籍甚所謂功名富貴蓋未易量而君素羸老疾病卧於衡茅之下氣息奄奄僅屬旣不求人知人亦莫知君者其兄弟出處

異矣然以馬援觀之二裴之事孰爲得失哉麻君博雅其所以  
稱道君者宜不繆後之君子讀其詩者可以知君少時之志而  
讀余文者可以識君暮年之心大秦觀書

高無悔跋尾

同前

無悔將家子爲人沉鷲有奇略習知邊事結髮與羌人戰大小  
數十遇未嘗敗北斬級捕虜獲牛馬橐駝動以萬計與兄館使  
皆爲邊人所推號二高去元豐五年延帥與二詔使城永樂問  
於無悔對去永樂羌人必爭之地而無險阻無水泉一日寇至  
何以能守詔使大怒以爲沮議遣歸延安旣城永樂羌人數十  
萬奄至城中戍者纔三萬人館使謂詔使曰虜衆十倍于我若  
其盡至不可當也我嘗破其衆於無定河川今前隊囂甚有懼  
我心及未定擊之雖衆可走詔使不許曰王者之師不鼓不成  
列館使以足頓地曰事已去矣已而城外圍數重諸將出戰無  
生還者俄奪我水寨城中穿井數十皆不獲泉士卒飢渴困甚

不能執兵城遂陷二詔使及館使皆死之於是議者皆以二高  
料敵有古良將之風惜乎詔使之不能用也元祐二年余爲洪  
南學官被召至京師以疾歸無悔亦以失邊帥意徙內地鈴轄  
此郡兵馬相從於城東古寺日飲無何絕口不挂時事余酒酣  
悲歌聲震林木無悔踵自執視疑上衝冠人多怪笑之余二人  
者自若也無悔一日出諸公所與尺牘自韓魏公以下百餘番  
請余政尾余欣然涉筆因以永樂之事載之庶幾見諸公所以  
稱道無悔者非虛語也高郵秦觀少游書

跋丞相蘇公詩卷

定菴先生

近世士大夫氣節凋喪不能維持國家夷狄侵凌生民塗炭每  
每追想祖宗盛時名公巨卿所以脩身事親行己立朝之大節  
雖不可見良用悵然余謫官合陽被召趨行在過雍丘邑李蘇  
公以乃祖丞相公感事述懷詩示予披讀數四得其大略信無  
可媿尤使人欽嘆之不已烏乎昔東坡記溫公言吾無過人但

平生所爲未嘗有對人不可言者公自叙本末形千篇章詩悉如是俾後世子孫取以爲法尚有對人不可言者郭建炎二年六月十四日

跋汪相帖

灌園先生

讀其書知其醇厚悃悃此方古不磨之心當其遊學茲仕不獨信於朋友而推之家國必無負於君親必無愧於吾民此最易見而難逢宣和間東中城固南山下民家得魯蕭簡公手書讀之諄諄勤儉力舉直曰今飲飲幾有無數過某處問五六輩安否皆見稱之曰某在魯當年邑中父老耳校其年月公正當軸時乃知宰相自有器度言而盡之誠而已矣在師友則誠於師友在君親則誠於君親窮達富貴形骸外物直寄焉耳今讀忠定丞相貽朱公半帖字不踰五上而眷眷之情溢于言外若大羹遺味萬永無窮蓋發源於心者遠宜德首之世濟也李義山身爲令狐文公之客而不容於子公總領公不孤拙紹以世先公之好英

鮮美意前後輝映是知方寸相傳自然天合豈若功利之交可  
以久近間也某聞風而心悅目擊而道存故若親見古人不獨  
爲朱氏賀

跋唐恭愍遺帖

芸室先生

資政恭愍唐公宣和甲辰爲尚書郎某以鄉曲晚生初解褐數  
得讀公寶抵掌曰男兒事業入手即辦豈有嘗試而爲之者哉  
未嘗不欽佩斯言既而登詞掖列諫垣論事慷慨不避權豪正  
如請劔斬佞臣舉笏擊逆賊蹇諤勁直之氣至今凜凜尚有生  
及帥長安虜至不去以死守職敵狂秦蜀忠憤之節沒而存彰  
豈初無措畫臨事周章嘗試爲之僥倖於五十一者耶今觀遺書  
數帙伏而讀之乃知公之所言與其所行歷歷可攷殆不啻符  
節矣

跋金國文具錄劄子

洪忠宣公

臣所編金國行事以其竊中國之制雖有慕華變夷之公亦不

能力行徒爲文具故号爲文具錄謹繕寫成二冊本欲今日朝  
見進呈爲臣連日抱病不曾前期投下悞子不獲俯伏闕庭投  
進干冒宸嚴臣無任戰慄俟命之至

誠孝感詩集

芸室先生

夫孝自風俗之好尚時君之褒與以至天地之感應極矣曾閔  
同門也祥覽同氣也南陔白華之什尺布斗粟之誣班衣嬉戲  
之歡及泉馳洩之樂簡冊所載若當日事是皆性理不殊習俗  
相尚使國人稱頌然曰奉哉有子如此不若是則人道或幾乎  
熄矣故曰風俗之好尚也古者忠臣出孝子之門孝弟參乎田  
之科安車蒲輪之所徵聘高爵厚祿之所寵勸旌其閭名其鄉  
表其墓未有不爲孝而作者故右傳父子以孝謹外而卜式以  
友愛顯不若是則無以風厲天下以助明王之教治故曰時  
君之褒與也一念所感上通于天時則有躍鯉生筭賜金出泉  
茂三荆馴狂獸疾若呼吸易若反握天意若曰上下勸則忠義

隨矣家不和則孝終缺矣因是人也而表出之以警勸於世蓋一  
將以鍼戾愚民之龍瞽瞍示未俗之休祥故曰天地之感應也  
陽川陳君欲希聖母氏苦嗽法當餌葦葉父之未効無何後圃  
聚生即採以進疾用脫然議者謂產非其地生非其時以爲陳  
君純孝所感士大夫紀其實而侈其事者致爲端焉其子嘉謀  
猷可錄示且請爲跋猷可同舍生也朋友之義故當樂爲道之  
然嘗患出之言感應者多荒誕不經其流入於誕妄使人至於  
不肯信是則秉筆者之過也孝豈有不可信者哉且大舜以孝  
無烈風雷雨之迷周公以孝有拔木偃禾之異孝弟之至通于  
神明是皆非聖人之言歟神在固夫子之所不言而非聖無法  
非孝無親亦夫子之所不取也或曰子之所言無乃非中道耶  
曰以此致孝猶有愧屋漏而昧神理者善言大者必有驗於人  
斯言殆不廢也審矣事之始末已詳於宇文公之序今但論孝  
感之所以然以詔夫爲人子者使知陳氏之孝可信不誣且歎

史官之採擇云耳

跋儒效堂

灌園先生

其鄉粉距唐安一舍暇歲猶及見一二耆舊論冠蓋文物風俗敦厚之淵源曰景德祥符間鮮于君遵禮張君漢卿之伯仲間郎中太古胡君俊臣周君坦然樊寺丞文中庸破荒第二天聖二年進士太古之子顯鮮于氏之子耳聯中八年乙科聲稱藉甚自是絃歌比屋官箴書府遂為傳家舊物白屋登宰輔弱冠魁上庠四邑千里殊利時才臺端使華名德相望願惟累聖陶成樂育之美化至若培根灌流振發山川氣象以陶冶英靈於雍容不言之間則前倣盛德之助余聞其語殆四十年矣今日登賢論秀不知凡幾倍於前時其盛可知也投間潦到伏家天恩分畀守符聞報感抃曰冠蓋文物之會平生所慕慕也必有揮麈論文採奇覩奧之樂吾將服膺親炙所未至以老焉已而簿書期會塵埃眯目寒暑一周矣而瓦頃許休暇乃將刻石



以紀桂香仙藉之盛事而附一名於其間以伸景慕之舉焉  
吾周先生命其堂曰儒効且曰聖賢之學皆自拙陋應對之末  
節上所以養而用之時譬諸譬我械樸初若甚微而其効可以  
為三代之盛大抵古人學其所行而行其所得故曰君子之道  
焉可誑也使之仕或曰吾斯之未能信惟其有得於胸中而假  
一飛之便以隨所寓而行之則利自經濟之溫觴也命名之意  
不但青雲八道拾芥取青紫而已所期益遠矣諸君其勉之

代劉都統跋詔書後

蘭陵先生

建炎三年春臨安叛臣苗傅劉正彥伏闕稱亂懼罪而逃臣從  
韓出忠奉詔補至建安手擒二叛檻而肆諸朝家恩莫擢超進  
位等出分帥間入高殿嵒歲月推遷遂秉旌鉞而巨德輒才下  
剛褊自信恩施有丘山之重補報先塵露之微咎深責重猶存致  
人言聖度矜容貸而勿誅止投閑散于時弄居念咎飯蔬飲水  
以畢此生豈敢更有榮望伏遇陛下膺受大寶恩加區內追錄

故臣於罪籍中救拭汚累遠界官寔復獲兵柄責以乘効親御  
翰墨諭之德意至于再至于三臣捧誦感悽縈之以泣訓戒數  
首嚴如父帥聖語褒揚亭毒如天地雷雨之施雅枯吹生雲漢  
之章起幽作隱顧臣跋然何以得此伏念臣世緒卑貧出自行  
伍在朝廷無蚍蜉蟻子之援无親族姻婭之勢無左右游談之  
助而聖主特達之恩實乃世旦暮之遇詔音初下臣跪讀於軍  
門稠人廣衆之間有榮耀焉一時戎臣武士俯首傾聽慨然激  
昂踴躍增氣皆欲効一死於戰陣之下况臣么麼被此大覲若  
為稱塞生當捐軀戰場焉輩裏苑以歸没而有知餘忠未泯又  
當結草以報於是尊奉三詔刻之金石垂示萬代俾世世著忠  
孝節與宋無極

跋楊氏御書卷尾

芸室先生

一進一退非所以論士也尚矣進者人所榮也進而不已顛沛  
隨之祇所以為辱退者人所卑也退而自全節義凜然乃所以

為高伯夷采薇深山來仁得仁孔子賢之孟子曰聖之清也商  
周而來獨立乎千載之上其高不可尚已至聞其風者顧夫康  
儒天有立志願有補于世教豈淺淺哉楊公家居群從以  
儒學取科第歷典數郡所至有惠愛最後用執政薦召對稱旨  
哲宗欲用之辭去甚力上書清節二字以賜之遂致其仕而歸  
嗚呼此可以追首陽之風矣天語褒許大豈徒然時二蘇韓  
范祖禹一時聞人前後贈送盈縮而東坡詩語妙天下可傳後  
世是則公之道行矣遇哲宗而節益彰公之節高矣得坡公而  
名益顯茲可以藉手表見於千萬代之後無疑又何取於區區  
之贅乎族子真修再三有請勉為書之

跋

御筆藉田子詔後

曲肱先生

制詔郡邑以來歲之春祇被青壇親戴靈輅躬三推之禮以風  
示子四方繼而勅勸農史舉厥職明年春正月壬辰皇帝率公  
卿親耕田禮成灋宸翰以詔天下凡百有一言聖意惻怛訓辭

溫厚摯紳在列拜起受詔田野老人扶杖來聽稱頌遂說相諭  
勸會臣僚請以親筆刊石垂示永久得旨如奏於是永州以前  
日所賜詔命工勒諸碑而其守日熊某謹頌首昧死言曰稼穡  
之事生人之命衣食之原有國之本務也三代以來國祚長遠  
人民安樂教化興行風俗渾厚皆莫如周蓋周家迺自右稷教  
民稼穡功在天下至公劉又務耕種耆者有積行者有資周道  
復盛古公避重粥之侵不以戰伐之故殺人父子獨修右稷公  
劉之業於岐山之下人盡歸之周以益大成王得周公曰作輔  
相作無逸警戒明白始終皆以稼穡艱難為言謂周之高宗中宗  
祖甲及周文王皆能知此所以享國多歷年所恭惟皇帝陛下  
天性至孝躬嘗艱難誠心行仁子視黎庶君曰一德感動天地  
警戒之意深明本務比年以來疆場休兵里閭復業陰陽平和  
年穀屢豐仰父俯子左食右粥歌謳笑嬉無所疾痛尚欲興出  
躋於富厚則取古耕籍之制考雍熙明道故事而力行之臣竊

障在外不得與庶人終或竊聞盛禮告成東米復進耆老農夫  
咨嗟抃舞堵牆以前願望見天日之光詔陞盾郎母得誰何勞  
問高年皆有旌賜惟其盛德豈真爲農事之勸有以知陛下之  
誠心而卜歷年之無疆矣昔孫樵在大中得開元間數百條事  
而書曰某日皇帝親耕籍田行九推之禮以爲九推之禮異矣  
且自恨不得爲太平男子覩開元中事自今乃幸得爲陛下守  
郡吏以勸相農事爲職又與萃人躬受詔書雲漢之光下節蹕  
陋風雷之令鼓舞幽仄則周家忠厚之俗祖宗垂裕之訓成王  
周公相與鑒戒之義事效見前身游泰和自此昔人豈不甚幸  
夙夜惟念思所以報答明王戒敕之意敢不出入阡陌告諭上  
指布宣恩德使實惠及人區區之愚不無萬一冀謹拜手稽首  
書于下方用告于後之守若令俾承聖詔無怠紹興十六年歲  
丙寅六月朔守臣能某謹書

政戊午謹識

南軒先生

自古爲國必有大綱復讎之義今日之大綱也要不當論其利害之所存獨念夫君臣父子之義不明則哉天覆也不能一朝復也則知性與之俱立若飢之必食渴之必飲弗可改也已雖然復讎之義固其大綱而施爲注措之間貴乎曲盡修德任賢立政又復讎之大綱也不此之爲而徒曰吾讎之復有是理哉故某嘗論今日之事正名爲先而務實爲衆蓋名實一事也若夫爲人臣而不思太羹之所存甘心於事讎而不以爲耻其爲罪固不可勝言而或借復讎之說名不正而實不務欺當時而貽後患者亦正論之稂莠也可不懲哉乾道庚寅歲始得吾友魏元履所編謹議三款之餘附書于末

新刊 國朝二百名賢文粹卷第一百九十四

雜文

題跋四

書春秋繁露後

六一居士

漢書董仲舒傳載仲舒所著百篇第云清明竹林王杯繁露之書蓋略舉其篇名今其書纔四十篇又摠名春秋繁露者失其真也予在館中校勘群書見有八十餘篇然多錯引重複又有民間應募獻三十餘篇其間數篇在八十篇外乃董生之書流散而不全方俟校勘而予得罪夷陵秀才田文初以此示予不暇讀明年春得假之許州以舟下南郡獨卧閱此遂誌之董生儒者其論深極春秋之旨然或於改正朔而云王者太一元者牽於其師之說不能高其論以明聖久之道惜哉惜哉景祐四年四月日書

書墨子後

廣陵先生

班固言墨書七十一篇而今之傳墨者財十三篇耳又其書多  
非墨所素心予嘗按書傳之雜出者合質之多元得也然論其  
大概亦時時取吾儒湯襲以自出故同是堯舜而非桀紂無足  
疑也自司馬遷之博聞而猶不知生于何時故云或先後孔子  
而未知也予嘗計之而謂使翟而先孔子以生則翟之荒愚當  
得先於哀而後誅使翟而生後孔子則元惡何待教耶予讀其  
書至其所謂絜淙篇則益憐翟之昏不明而妄傷人之失習而  
不知已將習人以失也然後亦疑翟寔生孔子前也然翟學之  
興雖翟固有罪而所由亦時然方周之衰先王之法禁盡廢天  
下之士爭出而名家者甚眾然翟亦其一爾方此之時先王之  
道息天下之士皆不知自爲學雖仲尼之先之後而道未盡信  
天下故翟於此時出與爾會故從翟者多也然翟之能偷天下  
以自名豈不爲幸耶而予獨傷翟之不得後孔子故不能自有  
知又其書傳之不幸而會人信以遲永翟罪以予觀之翟乃不



幸也然予獨愛孟子之能第次人曰逃墨必歸於楊今而視之雖  
害人者有殊差而豈能一逃孟子之言予嘗病世之釋老者則思  
得楊墨之書以校此其淺深故嘗煎求之而楊氏之言絕矣豈意  
輕者去之易耶而墨之書雖不完在然要之世傳不盡廢也其書  
雖缺而其道則大概具有爾夫楊氏為我故一毛利天下不為豈  
老之謂耶墨氏明鬼尚同兼愛放踵而為之則佛矣然老佛之害  
當世雖同然當世之受害則老輕於佛一本佛以是計之又豈  
逃楊歸墨一本逃之効耶至於二夷之荒妄雄僭所以資禍當  
世者計楊墨則其倍又百矣然世之學者多謂孟子之後楊墨者  
空矣而不知老楊佛墨一本佛之關合如此也嗚呼道之不行  
自文武一本武而來其已遠矣然仲尼之後數十年而墨墨數年  
而秦秦數十年而老老數百年而佛佛今千有餘年矣而其間特  
力獨抗撥邪說而自正者則孟子與韓二大爾然又身立無由道不  
及天下則空言以待後世則今其道得不遂絕泯者抑亦二賢之

言耶而予嘗觀當世佛老者徒張誕以射愚而人不知其為害者  
信亦幸矣亦不幸吾儒之道不被不為却掃遠矣爾而亦幸而釋老  
之无人不然則孔子不復容乎今而秦不獨暴於古也然世之學者獨奮  
攘兩手直進不旁顧以銳于人夷非唯終自愚更左右出以牽獵當世  
群庸而助之攻噫亦甚哉予嘗視世之陷老佛者有道惟貪與  
懦愚不思耳貪故樂其所誘懦故易為之懼愚不思則自擇不  
明合三者于一心則何適而不入耶今予之區區惜翟之不後  
孔子以生而惡前孔子者非徒愛翟也欲學者之知今而學翟  
者罪之過翟也言學翟之罪過翟者又欲其知釋老之又甚  
之也作讀墨

書刺客傳後

臨川先生

曹沫將而亡人之城又劫天下盟主管仲因勿倍以市信一  
時可也予獨怪智伯國士祿讓豈顧不用其策耶讓誠國士  
也曾不能逆策三晉救智伯之亡一死區區尚足校哉其亦

不欺其意者也。聶政售於嚴仲子，荆軻泰於燕太子丹，此兩人者，汙隱困約之時，自貴其身，不妄願知，亦曰有待焉。彼挾道德以待世者，何如哉？

書王蠋事後

濟北先生

古之世有不去商紂之虐君，以從周武之聖君，而守死西山者，其人曰伯夷。伯夷者，孔子言爲仁，孟子言爲聖，不在乎學者能道之也。古之人有不愛刳身戮尸之患，以求盡忠極節於其君者，其人曰比干。比干者，孔子言爲仁，孟子言爲賢，不在乎學者能道之也。古之人有不愛將軍之印，不顧萬家之封，引身即死，以明君臣之大義，而求自附於伯夷、比干之事者，其人曰王蠋。無孔子、孟子之言，而其名亦不獲自附於伯夷、比干焉。學者不可不道也。當燕之破齊，齊王走莒也，臨淄之地，汶皇之強，爲齊者無幾也。齊之臣平居腰黃金，結紫綬，論議人主之前者，一日狼顧鳥視，分散四出，不逃而去，則屈而降，無一人爲其君出身。

抗賊以全齊者方是時王蠋齊之布衣也積仁絮行退耕於野  
口未嘗食君之粟身未嘗衣君之帛獨以調生於齊國世為齊  
民則當死於齊君乃奮身守大義以區區之畫邑以待燕人燕  
人亦為之却三千里不敢近其後燕將軍畏蠋之賢念蠋之在  
而齊之不滅也常以甘言啗之曰我將以子為將封子以万家  
不若屠畫邑蠋曰忠臣不仕二君正女不更二夫國亡矣蠋尚  
何存今劫之以兵誘之以將是助桀為虐也與其無義而生故  
不若烹乃經其頭於木枝自奮絕脰而死士大夫聞之皆太息  
流涕曰王蠋布衣也義不北面於燕況在位食祿者乎於是乃  
相與迎襄王於莒而齊之殘民始感義奮發閉城守人人莫  
肯下燕者故莒即畧得數戰不亡而田單卒能因其民奮其智  
謀却數萬之眾復七十餘城王蠋激之也自予讀史記至此未  
嘗不為蠋廢書而泣以謂推蠋之志足以無憾於天無忤於人  
無歉於伯夷比干之事太史公當特書之屢書之以破万世亂

目賊子之心奈何反不爲蠲立傳其當時事迹乃微見於因舉  
之傳尾使蠲之名僅足以不失傳而不足以暴天下甚可恨也  
且夫聶政荆卿之匹徒能嗔目攘臂奮然不顧以報一言一飯  
之德非有君臣之讎而懷匕首袖鐵椎日日殺人以喪七尺之  
軀者太史公猶以其有義也而爲之立傳以見後世後世亦從  
而服之曰壯士蘇秦張儀陳軫犀首左右賣國取容非有死國  
死君之行朝爲楚卿夕爲秦相不以慊於心太史公猶以其辭  
智也而爲之立傳以見後世後世亦從而服之曰奇才以至韓  
非申不害之徒刑名之李也由以原道附之老聃淳于髡鄒衍  
田駢慎到接子環鄒奭之徒迂闊之士也由以爲多李而附之  
孟子然世有殺身成仁如王蠲之事者獨不當傳之以附於伯  
夷之後乎噫昔者夫子作春秋其大意在於正君臣嚴父子使  
當時君臣正父子嚴則春秋不作矣後世愚夫庸婦一言一行  
近似者皆當筆之春秋況夫卓然有補世教者得無時書之屢

書年此子所以爲大史公惜也

書母丘震御印磨紙後

同前

目補之嘗論古者人主之職在論一相相得其人矣至百王有司之廢置皆相之任也舜選於衆舉皋陶湯選於衆舉伊尹傳以謂不仁者遠矣夫舜與湯人主之師皆論一相以遠不仁其道曠千古世所當循而不改者然自古盛世君子多小人少好惡明於上是非公於下故未嘗求賢而賢至疾不肖不爲已甚而不肖者不待黜而革後世道德不同而俗墮賢不肖陵雜而人才益微至五代分裂大壞極亂四民皆喪其業而武夫鬪士充朝廷而布州郡當是時聖人出將何如以拯其弊哉恭惟太祖皇帝以神武不殺之資應千載特起之運以宋繼周由舜受堯之天下乾德三年俘孟昶開寶四年俘劉鋹八年俘李煜而錢俶恐懼請命自負其版至太宗皇帝太平興國四年又虜劉繼元而滅之於是區宇混一四方恭寧父老見白袍舉子皆喜

相賀曰此輩出天下太平矣而太宗皇帝以上聖繼統丁按戈講藝之時患人才之微悼列位之缺嘗以淳化五年十二月二日躬臨便殿自閱群士盡京官而上預選者凡若干人略去銓衡常格而書其蒞官之日與其功過於所謂曆者詔曰使御印給付本官而又皆以宸翰冠其首有惠愛臨民奉法除姦之訓被其選者咸自榮耀以爲不世之遭然則太宗皇帝所以和平禍亂不遑暇其它而獨以選士爲急務至不以付宰相而親閱在廷之庶士如恐不及如恐遺之豈特患人才之微悼列位之缺而已哉而聖意若曰因以道宰相於黜陟之公訓有司以銓衡之審宜若是故大臣戒小臣勸當時得人稱盛而後世皆榮於爲士以迄于今其選有司者至數千人若万人其盛無以復加豈不以此哉嗚呼太宗皇帝之用意深矣夫不以其時而考之徒曰上必死爲而用天下至選人才當責宰相而不知太宗皇帝所以用意之深不究孝宣帝之綜核名實所以爲漢

中興之道是之謂不知務而祕書省者作佐郎譙人母亡震在選中自完庫擢通判晉州而震竟以清白有治績終亦盛矣乎其後治平之歲久學校亦興天下之爲士者日以多矣臣補之爲郎時計之選於吏部者自京官而上蓋數千人而官州縣者不預雖朝廷內外不患於乏才而士之爲士者益多而益賤豈其行已任事皆愧於昔人而然蓋必有知之者矣此臣補之謹拜手稽首序其事以歸震之裔孫云云

書白起傳後

門滕先生

太史公曰孫子籌策龐涓明矣然不能拯患於彼刑曰起料敵應變出奇無窮聲振天下然不能拯患於應侯乎謂司馬遷上書理降虜李陵幽於縲紲身毀不用則遷之救患之智果安在哉即史遷班固之論觀之則二子之言皆劫於勢者也故其議論皆劫於利害死生得喪之間初不知君子之臨大事也索之於已者有無嫌於天下之議則在彼者皆吾所不恤也雖被刑



其何悔焉是道也遷固有不能知而況於孫瑯白起之徒乎

書李斯傳後

直講孫公

李斯學荀卿及得志於秦則焚滅詩書坑殺學士專任刑名督責以繩黔首且曰使天下無是古非今者後世有以是咎荀必解之曰亦猶吳起事曾參每死不歸不可以不孝之名歸參也洎堪讀荀卿書於是又知荀之道有以啓斯之所爲焉荀以人之性皆若桀跖其爲善者僞也故其言曰陶人埏埴而生器然則器生於陶人之僞也工之斲木而生器然則器生於工人之僞也聖人積思慮以生禮儀然則禮儀生於聖人之僞也又曰所貴堯禹君子者能化性能起僞也又曰聖人所以同而不異衆者性也所以異而過衆者僞也李斯得是說故其視天下之人皆若豺豹狼虎然其御之也惟有陷穽戕害之心而無教道惻恤之意既務行僞道以束天下又思起僞理以繼聖人故其爲也吁吁然不循古不酌今惟我知適而已則焚詩書起督責不亦

宜乎孔子曰慢藏誨盜冶容誨淫則荀之言得不謂之誨暴也哉詩云哆兮侈兮成是南箕荀卿之謂乎因書斯之傳後且爲學者戒

書明皇紀後

廣陵先生

唐續大亂之後天下困苦人人思休息逮諸盜賊盡無四方事  
排斥弓斧歸復耒耜民始有生心時亦小康至正觀中君臣胥  
熙上招下來朝無遺謀民無遺殃而天下治平矣然當世之巨  
猶失淺近故唐雖暫平而無長久光大之策卒使於古有愧繼  
之高宗循而不修終無重於天下而武氏女子排房闥出自稱  
制而天下亦安之豈非武德已來積治承平民方德唐而未思  
亂也及明皇帝平韋氏戡內難出承睿宗攬有天下然能多自  
勤明又天資神度超拔上出而亦銳意有天下心又開元已來  
諸巨忠公宣力悉心加之天時連仍告而不凶故能計米五錢  
民行千里不裹粮糒天下既富矣人人自愛護不肯歛觸刑辟

故連歲決獄纔數十計自周漢而下千百歲已來語爲俗平无  
出正觀開元也太平旣久上志日益銷墮當時窮詰弱力之巨  
半已老死後來者幸以佞媚進亦以佞媚終不然雄悍俊復陰  
爲中賊故直者伐拔忠者一作姦流逐天下之事靡靡寡敢  
壞而不之悟方且伐鼓賡歌自形詠太平更清廟請謝本作幸受  
雄權要官隨意授之不問其賢能何如故內包國忠之奸而外  
稔祿山之禍又天下久平人不識兵革令守皆常俗吏唯知承  
奉條章文飾姦隙以窺伺富貴而已故潼關一陷而京師旋弱  
天下守土之臣如墮土爾誰知赴君死國之爲宜然哉及其西  
遷之初樓樓如旅人以天下之尊數世之德而不能活一妃妾  
宗族播弄或且誅死而方技淩戮以謂无甚負天下不亦謬  
哉迨肅宗即位計較戶籍而祿山一乱所失五百餘万存者半  
之吁人死又勝數哉百姓何罪也唐室之衰自是始矣烏乎明  
皇帝以積德之後又承豐盛富庶之時如此狀且不免一旦之

亂又況其不及明皇者可不思哉詩曰迨天之未陰雨徹彼梁土綢繆牖戶今此下民孰敢侮予信夫作此詩者知道也非周公吾其謂何

書李斯篆後

直講梅公

天下之事固有出於不幸者矣苟有可以用於世者不必皆聖賢之作也蚩尤作五兵紂作漆器不以二人之惡而廢萬世之利也篆字之法出秦李斯斯之相秦焚典籍欲遂滅先王之法而獨以已之所作刻石而示萬世何哉按史記秦始皇帝行幸天下凡六刻石及二世立又刻詔書於其旁今皆亡矣獨泰山頂上二刻僅在所存數十字耳今俗嶧山碑者史記不載又其字跡差大不類泰山存者又有別本云出於夏竦家者以今市人所鬻較之无異自唐封演已言嶧山碑非真而杜預謂棗木刻篆迹皆不足貴况字友江鄰哉謫官於秦將常自至太山頂上視秦所刻石處云頃石不可鐫鑿不知當時何以刻也然

而四面皆石無草木而野火不及故能若此之久然風雨所剝  
其存者半此而已本鄭敘遺子也比今俗傳嶧山碑本特為真  
者尔

書篆體後

東坡先生

策陽鄭博方字希道作篆體六卷字義一篇凡古今字說班楊  
賈許二李二徐之學其精者皆在聞有未盡傳以新意然皆有  
所考本不用意斷曲說其疑者盡闕焉凡學術之邪正視其為  
人鄭君信厚君子也其言宜可信余嘗論學者之有說文如醫  
人有本草雖草木金石各有本性而醫者用之所配不同則寒  
溫補寫之效隨用各別而自漢以來學者多以一字考經字同  
義異比且欲一之雕刻采繪必成其說是以六經不勝異說而學  
者疑焉孔子曰夫聞也者色取仁而行違居之不疑則聞為小  
人而詩曰允矣君子張也大成之子于征有聞无聲則聞為君  
子周而不比則比為德而湯曰比上有水以建方國親諸侯

則此爲書有子曰知和而和不以禮節之亦不可行也則所謂和者同而已矣而孔子曰君子和而不同若此者多矣喪欲速貧死欲速朽此以八字成文然猶不可一曰言各有當世而況欲以一字一之邪余愛鄭君之學簡而通故私附其後

書樂毅論後

東坡先生

魏氏春秋云夏侯玄著樂毅張良及本无肉刑論辭旨通遠傳於世然以余觀之燕師之伐齊猶未及相文之舉也而以為幾湯武豈不過甚矣乎初玄好老莊道德之言與何晏等皆有盛名然卒陷曹爽黨中玄亦不免李豐之禍晏自玄以易之所謂深者而玄目晏以神及其遇禍深與神皆安在乎群兒妄作名字自相刻畫類皆如此可以發千載之一笑

書賈誼傳後

曾文昭公

賈誼自疎遠之中遭遇世主數言天下事不忌權倖至於廢斤而不礙爭讀其書固已偉其材而及其志與夫世俗偷合苟得

取容一時者異矣讀屈原文鵬鳥賦又知其於道德性命之理無不學也而考其行事文帝使傅梁懷王懷王墜馬死誼自傷爲傳無狀哭泣歲餘亦卒嗚呼此又何其好善之篤也蓋自漢興先王之澤熄道術不明士志其本而役於利害得役之地弊聰明於外物而殁世不知自反所謂道德世固不得而聞矣安有傑然自信於此者哉誼於斯時獨能不汨於流俗而以道德自信其見於辭者皆發明天地萬物消息盈虛之理吉凶禍福倚伏之數聖人君子行止進退去就之義以列士衆庶貪夫夸者怵迫之徒同爲有徇於物而縱軀委命與道翱翔者獨能无累而不憂其所知宏遠矣至其行已亦無悖於古人孔子稱智及之仁能守之詎知所知與其所守亦可以庶幾矣夫人不能自進於德者以其不肯責善於已而好移其過於人此天下之公患也若梁王之死雖有以致之顧豈非命哉而誼獨身任其責憂傷悲涕以至於死此與夫不肯責善於已而好侈其過於

人者異矣非德性之厚而篤於好善安能及此乎孔子曰未見蹈仁而死者若誼可謂蹈仁而死矣蓋孔子之所思見而不得是豈可輕也哉惜其不幸不得充其志悲夫

書張釋之傳後

曾文昭公

張釋之逢世主所好論秦漢之事可謂信道不篤而趨於苟合者也昔趙簡子使王良與嬖奚乘良辭不可蓋舍已之範而爲彼之詭雖御者不爲也況於行先王之道其肯紕其所學以偷合於世哉釋之不能自信於此亦其所學者有所不足爾不然何爲以此而易彼欤及爲廷尉爲天子守法則固善矣語文帝曰方其時上使使誅之則已以此迪上則未忠也何哉先王之於刑未嘗敢以私於已故曰天討有罪其有犯法者自五聽至於三宥自獄吏至於三公然後以告於王而其罪果衆之所棄也於是殺之故曰衆人殺之也慮之之詳如此安有肆一朝之忿專意妄殺不以付有司者乎惟其滅先王戒慎之意此秦所



以亟三也釋之不知慮此反開人主好殺之端幸文帝仁厚不  
惑其言使遇時君信而用之其爲世禍可勝道哉故王肅以謂  
重於爲已而輕於愛君非忠臣所宜陳也雖其失如此至於沮  
齎夫之辯則其論不爲無得也又引秦任刀筆之吏爭以亟疾  
苛察相高其敝徒文具無惻隱之實奇請切於一時之患矣蓋  
深辯之俗勝則豈弟之風熄督察之術用則姦僞起而獄訟繁  
秦漢之敝如此先王之所大禁也釋之之言雖失於彼而得之  
於此豈非其學固有所不足故不能無失得於前史善其害法  
而不明其得失故子并著之使覽者擇焉不獨爲亟言而已矣

書張騫傳後

斜川居士

酒色之害已甚於毒藥博奕之害財甚於盜賊然人之畏毒藥  
而甘心於酒色知盜賊而不厭博奕者何哉適於已而忘於害  
耳千金之子破家於聲色狗馬万乘之主失德於玩好嗜欲者  
多矣豈不信哉昔明鑒前鏡不樂左右曰自韓休相陛下無一

日權何不逐去帝曰吾雖膺天下肥矣而秦二世曰賢人之有天下適已而已故不及三年而有望夷之禍楚靈王吳夫差皆如是敗此適已之効也漢武帝襲文景之業內外晏然家給人足可謂盛矣然以一馬之故窮師万里天下騷動幾及勝廣之亂此誰發其端欤蓋自張騫一使覩笮竹蜀布大宛身毒之饒遂唱通西南夷之說又語以蠻夷貪漢帝而多奇物天子由是欣然發使治兵必得所欲騫既封侯賜金貪人自是爭言外國利害以聳天子之意邀取富貴矣其後得烏孫宛馬天子益甘心焉此貳師之役所以作也是時李廣利喪師都城欲歸天子大怒使之遮玉門關曰軍有敢入者斬益發甲卒十八万僅能克宛取貳師善馬而歸嗚呼徇一夫之私欲竭生民之膏髓雖係虜其人而郡縣其地何補瘡痍之方一哉昔隋之亡也盜起征遼而征遼之師實倡於裴矩裴矩之在張掖得西域諸胡山川國俗之詳還為煬帝言之曰胡多瓊怪名寶帝由是甘心於域

夷高麗不來故征遼自此始矣嗟乎小人之得君也必因其所嗜而獻其說非獨用兵也德宗好財故裴延齡以裒刻進憲宗既平淮西稍欲縱意營室游幸之樂則皇甫鏘以貢羨餘取卿相君臣之間寧復有意於民也哉且夫土地非不廣也府庫非不實也宮室臺榭非不美也子女玉帛羽毛齒革非不備也食租衣稅非不厚也而皇皇焉外求之不已何哉貪人之心如飢渴然必欲有其所末有者爲富見其所未見者爲寶耳夫豈有窮哉昔虞公以寶劍而云蒯瞶亦死於呂姜之難夫有國者豈少此冀土耶然二君以此亡國殞身世皆知非笑之矣而不知彼數君之所甘心者獨冀其土乎

書李廣傳後

編脩劉公貢父

李將軍英勇果毅果鵠謙讓下人可謂名將矣然而功不至封侯者非其人之智失也又非時人之勝已也幸不幸有命也已矣古之君子全道極美而功名不顯者亦何可勝紀哉然君子之道

得於人必反諸其身違於天必復諸其心故復禍之至曰已有以致之是以上不怨而下無尤也李將軍追殺降者以便宜不封能自訟矣嗚呼可謂非篤厚君子哉

書鄒陽傳後

苑丘先生

鄒陽傳稱梁孝王用公孫詭之說殺素蓋事覺王懼誅使陽入關內求解陽見齊人王元用計說實長君長君入言之及韓安國亦見長公主事果得不治此則陽與安國同救孝王殺素事也及韓安國傳所稱見長公主事自以孝王替太子游戲天子聞之心不喜太后乃怒梁使者弗見索責梁王安國爲梁使見大長公主面泣長公主具以語太后事乃解其後安國坐法久之復用爲梁內史乃有勝詭說王殺素蓋等事安國諫王王乃殺勝詭漢使還報梁事解無安國見長公主事此則安國見長公主自以游戲事在前非勝詭事也明鄒陽傳中所載誤記安國所解前事爲今事耳

書楊雄傳後

寺本章公

世皆稱楊子雲作劇秦美新以取媚乎妖莽而法言亦曰自周公已來未有如漢公之懿也歟勞則過阿衡噫誠如是何以爲子雲哉始讀其書則固疑其爲人及讀班史列傳則曰哀子之世莽爲三公權傾人主所薦莫不拔擢而雄三世不徙官及莽篡位談說之士用符命稱功德獲封爵者甚衆雄復不侯遂耆老又文轉爲大夫其恬於勢利如是而卒無一語稱雄有勳美新之作其後時人譏之曰爰清淨作符命者蓋是時劉棻以符命被戮蔡邕學士可乎於雄及索其當雄恐禍及遂有投閣之事非謂其身作符命也以余思若美新之文乃當時諸儒娛雄者所欲以贖其名於後世非雄本作也旣以是文療雄之名又懼後世以雄苟避一時之禍非本意媚莽則其名未甚隱乎矣於是又即其所著法言加之以漢公之懿以表裏其說欲使後知雄真直道媚莽者夫娛雄之深莫如班史班史其傳未稱其非

人而作經故卒有滅絕之禍苟有媚新直而書之足以累雄於  
千万世間何反默而不傳也又稱其恬勢利如前之所云哉固  
之典引曰楊雄美新典而無實余亦謂當時嫉雄者造作美新  
又恐不得傳於後故增是辭於典引之中以信其傳不然固何  
弗稱於本傳而友稱於典引也且雄果有媚莽之文豈不能取  
封爵獲富貴於莽朝哉終莽之朝位才一大夫蓋其守正自若  
不撓不屈而至於此也夫所謂法言者言而為後世法也苟得  
妖莽之勤也過於阿衡而繼於周公則一苟媚之書何以為法  
於後世哉雄果以是言媚于莽則其後敢曰漢興二百一十載  
而中天子雄知莽之必滅漢之必興潛著是言於信之末欲以  
劉氏之復立者是其懷忠履潔若是之炳炳也又何以致疑於  
雄哉噫抑宗元柳仲塗大儒也皆惑於是言而曲為之說雖欲  
釋雄之過而不知非雄所為也又況於不及三柳者則其致疑  
之心果可以釋乎余是以書之傳末以告來者

書諸葛亮傳後

曾文昭公

陳壽稱諸葛亮才於治戎爲長奇謀爲短理民之幹優於將略此殆未足以知亮也夫當漢末擾攘豪傑並起劉備雖有興復之志未知所出得亮乃能平荆楚取西蜀遂據有一方以折中國此其於謀不可謂不奇也在蜀之日內則立法施度愛養百姓技巧器械皆得其利外則長驅深入迎擊震開輔斜谷之舉遠薄渭南魏之名將多見殺獲至議東徙以避其鋒此其於用兵行師之際不可謂先略也然而連年動衆卒光成功者豈其智有所不足哉蓋慮社稷者不貪土地懷遠謀者不要求近功彼方欲跨涉中原吞滅吳魏復劉氏已喪之業故其語蜀人曰普天之下莫非漢民一夫不獲皆死之罪其自任之重如此豈肯規尋常之計爭尺寸之地以自爲功乎而天命所去中道而死此其功業所以不暴於天下也陳壽執此以議其才可謂蔽矣夫治民與治兵事雖不同其道則一而已豈有憂於此而不優於

彼者哉壽又評亮管肅之亞匹此尤不思之甚也夫管仲之於桓公蓋不可召而亮亦待劉備三顧而後起此其出處之誼固相若也然管仲之政垂有規於先王而其才所施設後世有不能及者見故九合諸侯一匡天下不以兵車而亮歲歲出征不能克此其為功固有間矣至於罰二十以上亮皆親覽亦恐非仲之所肯為也若肅何則安足以尚此哉何之特元大過人特依附高祖謹守管鑰以見親重其功業固不足道也而壽猥舉以方亮又与管仲同稱豈非不思之甚哉壽之品藻如此非所謂良史之材也故辯其失云

書東臯子傳後

東坡先生

予飲酒終日不過五合天下之不能飲先在予下者然喜之飲酒見客舉杯徐引則子胸中為之浩々焉落々焉酣適之味乃過於客閑居未嘗一日无客至未嘗不置酒天下之好飲亦无在予上者常以謂人之至樂莫若身无病而心无憂我則无



是二者矣然入之有是者接於予前則予安得全其樂乎故所  
至常蓄善藥有求者則與之而尤喜釀酒以飲客或曰子无病  
而多蓄藥不飲而多釀酒勞已以爲人何也予笑曰病者得樂  
吾爲之解輕飲者困於酒吾爲之酣適蓋專以自爲也東臯子  
待詔門下省日給酒三升其弟靜庵曰待詔樂乎曰待詔何所  
樂但美醞三升殊可慰耳今嶺南法不禁酒予既得自釀月用  
米一斛得酒六升而南雄軍吏循梅五太守間復以酒遺予略  
計其所獲殆過於東臯子矣然東臯子自謂五斗先生則日給  
三升救口不暇安能及客乎若予者乃日有二三升五合入野人  
道士腹中矣東臯子與仲長子光游好養性服食預刻死日自  
爲墓誌予蓋友其人於千載或庶幾焉

書唐凌煙閣功臣畫像後

黃致一

元符改元之初予以事至京師道出興元渴於富人之家入其  
門外其堂見其壁之四隅瑞氣蟠空祥煙滿室有蒼喬松老檜

技斡盤錯倚乎重崑嶺嶺之中古惟方狀蒼然猶參雪操之  
不改也迫而視之乃正觀間凌煙所畫功臣之像焉自王珪而  
下凡十八人墨跡淋漓筆勢隱見觀太宗勦業之始間闕草昧  
躬服汗馬之勞而數公者推心協謀智勇俱奮若攘袂櫟柱之  
成大履故能造王業於笑談指顧之間也其為英風茂烈卓然  
著見於後世者可考而知此所以使人想慕之不暇今雖去唐  
為遠矣而貌像猶在觀其衣冠容止而知太宗君臣之相遇不  
亦偉歟從而求其本以歸是亦像者之足榮也藏諸篋笥以為  
珍奇美麗之觀嗚呼安得好事者而為共焉

書李勣傳後

廣陵先生

論曰隋唐之交天下大潰而所在虎遇以爭而勳於此時能牙  
爪出以自用天下已平矣文皇猶多事四夷而嘗得勳以甘心  
故突厥延陁之平勳尤用自偉而世主亦多尚之獨君子者有  
以罪勳也而文皇尤傾心以注勳雖形骸有必為勳用者猶不

嫌有損以賜之而况其外者耶殆其終盡之言則甚矣太宗與

宗曰安於李勣先恩我朝冀出之我死後汝當長以僕射則必致其死力豈於勳猶有遺憂而平時

亦以奇御勳耶及高宗廢右之議竟亦得勳力以致武氏移天

下然余嘗病文皇之不果於明即使勳尚為用固已嘗用之如

猶有一日之憂尚多其前功則自可休養之且俾來者無授以

柄則已矣如天下方有事顧勳獨有能不若亦以忠死之一作本

若以赤心死之又惡在賣之以收其力哉然如勳雖有用於一切而常

不可為大目謂其未知其所以愛君也方武氏之議如遂良無

忌輩更探沸一作湯以患熱而勳獨忍不顧雖其心固自有存

然亦有所從來也然勳曹終無用假之得其力而極厭愛則

勳前之所為盡矣使其不得其愛且力尚何用之適宜為憂

矣余讀之至此惜其知人常無難而人常難於知人又病其

使人者多不以道也故重言之然至勳之孫敬業竟以兵動

武后時而謂為復唐以誅豈非天耶然為人目者亦不可不

知其愛君也

書擊泚圖後

前溪先生

吾嘗聞野錄載源休笏即魏徵故物也徵諫太宗批惡鱗疑疑不回笏之助也昔褚遂良方武氏欲后遂良言不可額叩地曰請還陛下笏傳張九齡辨祿山必反罷張守珪相用以指畫無事輒囊以隨九齡死休以萬錢買之其家休特知此為魏徵故事爾笏屢交正人掌握不幸為休得抱齎拂思有以快之矣逆泚侮天艷日熾休奴事泚噓之使燃爇逼致段司農與唱不軌司農以駭來中有謀未得穩發休冠紳泚旁阿墜迎隨而不知笏之氣與司農心已相扶持矣泚僭語落坐司農怒奪休笏前擊泚垂死休摩汗失聲伏視司農不敢進如木偶當階甲天持一文戟不敢動如翦狗笏無羽翼飛出如神雖不血泚亦可謂無負骨鯁矣嗟乎笏蒙耻待司農以伸其用要為正人故物羞也休庸庸且不耻笏尚耻人哉與休糞土致司農齟齬皆笏

之由

費公孫述傳後

同前

成湯之興以七十里文王之興以百里地非廣也而卒能奄天下而有之是無他以能招賢而用之尔公孫述乘世多變雄視一方其勢亦足以霸然不旋踵而王蓋古之興王汲汲然求賢唯恐其不及而述則非不能求賢而已又從而殺之如譙玄學葉王皓王嘉皆守節不變之士也罪其不至皆飲藥伏劍而死致使見幾之士託青盲以避禍嗚呼述之士猶晚也夫謹守吾道而不貳者士之常心也何遽至於逼而自之然後為快哉武王不日夷齊而不害其聖者蓋士不可威脅而勢伏也又矣尚使述發政施仁弔死問孤專以勤卹為心則天下豪傑之士將赴愬之不暇矣夫亂世之由莫大於殺士賢者被戮則人心離人心離則雖有山谿之險兵甲之利何足恃哉

書三傳

同前

余嘗衡誠欲以泛觀諸子之遺言雖甚牽掎不能合并然察其  
智皆足以知聖人之微而獨不著書其書既成因以名氏得  
罪於天下使其書如其智則後世與六經並駢亦不過三三子  
盡識古今之事然大抵人之學莫先於讀書讀之既多則所以  
自得於心者歸聖人之言也亦自信其無異聖人之教我者也  
始其心未有得則讀書之際惟知有聖人而已及夫既得之亦  
惟知有我而已至於作爲文字期以獨出不偶則事惟陳言務  
去爲慨心爽耳之論昔所自得於心者雖信其無悔於經而不  
幸有先入之論爲未足則臨帝媿恨不肯下筆又摘新異以充  
足其文此正不善著書之罪世稱三家傳春秋謂各求其書速  
售於天下公羊子之視丘明穀梁子之視公羊唯恐一辭躡其  
後彼出此入焉交相尚而已今考其書蓋大不然事類同而歸  
趣不易者無限今知夫善著書者三子爲多而其書得如其智  
公羊子若未嘗知有丘明子穀梁氏若未嘗知有公羊氏不以

同害意不以奇詭正與後世決聞未識求得於人而輒以爲民  
有猶怡然得色自負者異矣

書曰樂天集後

穎濱先生

元符元年夏六月予自海康再謫龍川冒大暑水陸行數千里  
至羅浮水益小舟益痺惕然有瘴暍之慮乃留家於山下獨與  
幼子遠葛衫布被棄樂舟秋八月而至既至廬於城東聖壽僧  
舍閉門索然無以終日欲借書於居人而民家先畜書者獨西  
鄰黃氏世爲儒粗有簡冊乃得樂天文集閱之樂天少年知讀  
佛書習禪定既涉世復憂患曾中了然照諸幻之空也故其還  
朝爲從官小不合即捨去分司東洛優游終老蓋唐世士大夫  
達者如樂天寡矣今方流轉風浪未知所止息觀其遺文中甚  
愧之然樂天處世不幸在牛李黨中觀其平生端而不倚非有  
所附屬者也蓋藝有所至而不能已耳曾昌之初李文饒用事  
樂天適已七十遂求致仕不一二年而沒嗟夫文饒尚不能置

一樂天於分司中耶然樂天每閑冷衰病發於咏嘆輒以公卿  
投荒慘死不獲其終者自解子亦鄙之至其聞文統謫朱崖三  
絕句刻數尤甚樂天雖陋蓋不至此也且樂天死於會昌之初  
而文統之寵在會昌末年此決非樂天之詩豈樂天之徒淺陋  
不孝者附益之耶樂夫之賢當為辨之園文亮經云動念息念皆  
歸迷悶世間諸般行人不墮動念中即墮息念中矣欲兩不墮  
必先辨真妄使真不滅則妄不起妄不起而六根源湛如止水  
則未嘗息念而念自靜矣如此乃為真定真定既立則真惠自  
生定惠圓滿而眾善自至此諸佛心要也金剛經云應无所住  
而生其心既不住六塵亦不住靜六塵日夜遊於六根而兩不  
相染此樂天所謂六根之源湛如止水也六祖嘗告太弟子假  
使坐而不動除得妄起心此法同無情即能障道道頭流通何  
以却住心心不住即流通住即被縛故五祖告牛頭亦云妄念  
既不起真心任遍知皆所謂應无所住而生其心者也佛祖舊



說符合如此而樂天八漸渴亦似見此事故書其後守子瞻元

書杜子美草堂後

西山先生

杜子美以上元寶應間卜居成都浣花溪詩所謂浣花溪 waters  
回頭主人爲卜林塘幽者主人嚴武也至天復初已百四十餘  
年矣韋莊尚但其遺基礎石故在也今子美草堂正樓梵安寺  
梵安宋姚花寺也溪之旁近山川草木無一不合子美詩中者  
寺出子美之前果爲鄰不應无言也按万里橋南宅百花潭北  
莊之句亦不合其故地失矣子美之才蓋有用者既自傷其不  
遇故於諸葛孔明每致意焉曰古柏行一此孔明一自以也孔  
明祠堂適有巨柏自裴度毀文昌以來皆謂子美即此以賦誤  
矣寔子美經夔州孔明祠所作也自孔明廟前有古柏云云後  
明言憶昨路繞錦亭東先主武侯同閼宮決非在成都之詩不  
但雲來氣接平蹊長可證也如夔州十詩中武侯祠堂不可忘  
中有松柏參天長當自有古柏矣今夔州卧龍山孔明祠前松

柏千章大可十圍豈故物耶正子美賦父遊巴子國屢入武侯祠之地詎儒亦以成都地志爲解可笑耳紹興甲子冬予有成都之役過子美草堂孔明祠裴回久之因書其可辨者以遺喜事之君子

書唐吐蕃傳後

宛丘先生

自漢已來其能制四夷使不爲中國患者莫若唐然獨一區區之吐蕃能困之豈其制之未得其術耶自太宗以來固已屢矣其附而其尤可笑者平涼之盟也匹夫操力而殺人則必從容伺察待其不備而後發執力而呼三昧尔手吾將汝殺則雖賁育不敢施於三尺之童何則人固不可易也不然則必待狂疾者也使之束手而束之告之殺而不避也則亦必狂疾者也吐蕃之於唐固非有深誠篤信之可以不虞也方德宗之時吾方疑之彼曰必使殺大臣而後盟惟杜希全李觀而後可擇其地利則曰必焚木柱而後可彼得殺吾之大臣而劫二將以空

涇原靈寘之備而擇險阻之此以爲設伏之利此其必變之迹  
特未曰吾將變耳彼乘吾疑而直行其謀而來我成之其易我  
也甚矣而唐之將相大臣晏然不之虞如按君子長者與之握  
手壇上而不少備此何以異於將殺之則告之束手偃然不拒  
而待死者哉彼渾瑊者患有餘而智不足者也古之善將者遠  
至於鄰國之動靜皆知之夫豈有他術哉測之以謀而伺之以  
實奈夫縛其二將而不知三萬之卒伏於肘腋而不倍也則安  
在其爲智也嗚呼平涼之盟所以大可歎也彼尚結贊之智何  
足貴也是殺人而告之束手者之智也其爲智亦殆矣彼李晟  
之智不可與盟也是知人殺之則避者之智也其可否之間亦  
明矣當是時唐之臣如渾瑊馬燧者亦可謂善將矣而猶如此  
況無二目者哉

新刊國朝一百家名賢文粹卷第一百九十四